

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Provisione Et Obtentione Beneficiarvm

Leuren, Peter

Coloniæ Agrippinæ, 1704

536. An, & quare personæ aliquæ, etsi decedant in locis ultra duas dietas
à Sede seu Curia, dicantur ad huc decedere in Curia seu apud Sedem,
adeóque eorum beneficia sint reservata reservatione illa ...

[urn:nbn:de:hbz:466:1-74485](https://nbn-resolving.de/urn:nbn:de:hbz:466:1-74485)

raliter recte limitetur, & restringi debat per legem specialem etiam priorem, nisi illi expensis verbis contradicat lex posterior talis generalis juxta l. non est novum, & l. sed & posteriores, ff. de LL. Sanch. de matrim. l. 2. d. 24. (ubi etiam addit, id verum esse, etiamsi in lege nova seu posteriore addita sit clausula: non obstante. eo quod intelligea debeat de lege priore contraria, qua non possit cum posteriore subsistere per aliquam limitationem vel distinctionem) & alios apud Garc. n. 111. ita tradunt Garc. ibid. Castrop. Pirk. ll. cit.

7. Porro licet constitutio c. si Apostolica extendi non debat ad Ecclesiast parochiales habitu tantum tales, cum ceteri in iis, utpote nullam habentibus actu plebem seu curam animarum, ratio unica dicta constitutionis. Pirk. n. 337. adhuc recte eam extendi non tantum ad parochiales collegias, immo & ad alia beneficia curata, eti parochialia non sint, ob identitatem rationis, nempe ob periculum animarum, si diu vident, probabilius censet Pirk. ibidem cum Gl. in c. si Apostolica contra Archid. & Francum, quin immo ob eandem rationem extendi id posse ad parochiales vacantes, etiam extra Curiam in mense Papali, & quoconque alio modo reservatas, & quidem a fortiori (eo quod, si in favorem Ecclesiarum parochialium & animarum per cit. c. si Apostolica tollitur ista reservatio ob vacationem per obitum in Curia, qua est omnium perfectissima, quia perpetua, & clausa in corpore juris, multo magis quavis alia reservatio dictarum Ecclesiarum tolli debeat) tradit Castrop. cit. p. 16. n. 6. cum Zerola in pr. Ep. p. 1. v. beneficium. §. 3. & p. 2. v. reservatio. §. 5. contra Franc. & alios; negat tamen Idem Castrop. cum Garc. n. 105. Pirk. loc. cit. Gonz. & alii contra Zerol. idem extendendum ad beneficia parochialia devoluta ad Papam ob negligientiam collatorum inferiorum; eo quod ista devolutio in prae nam negligientia sit inducta per Concilium Lateran. relatum in c. 2. de concess. preb. quod per dictam constitutionem c. si Apostolica, utpote nullam culpam collatorum respiciensem, non est correctum. Pirk. loc. cit.

8. Septimo beneficia exenta & immediate subjecta Papa, etiamsi vident in Curia, haec enim reservabilia non sunt.

9. Octavo excipiuntur à reservatione cit. c. licet, beneficia Urbis; non enim sunt reservabilia, dum à nemine provideri possunt, coramque provisio privative competit Papa jure ordinario, utpote cuius Urbsilla particularis diæcesis est, & in qua ipso solus Episcopus est, non habens alium coëpiscopum, sicut in aliis diæcibus, in quibus eti Papa sit quoque Episcopus, habet tamen alios coëpiscopos, nimur istarum diæcium Ordinarios: quin & hinc sit ei carior illorum provisio, quam beneficiorum aliorum vacantium in eadem Urbe & Curia; ita etiam, ut Gamb. de off. leg. l. 3. ad finem à n. 712. si discedens ab Urbe relinquat ibi Legatum, nequaquam censeatur ei concessisse facultatem ea conferendi. Castrop. loc. cit. citans Gonz. ad reg. 8. gl. 13. à n. 14. Barb. p. 3. de pot. Epis. alleg. 57. n. 32. Lott. l. 2. 4. 27. n. 25. & 26. qui tamen n. 27. ait, inesse adhuc habilitatem reservabilitatis in beneficiis 4. Ecclesiarum parochialium Urbis, in quibus intitulati sunt Cardinales, & hinc produisse specialem regulam eorum reservatoriam, qua est septima; Cardinales enim in suis titulis jurisdictionem quasi Episcopalem habent, & hinc jure ordinario eorum beneficia provident. Pirk. loc. cit. cum com-

muni de hac reservatione beneficiorum Urbis vide Monet. de optione. c. 3. q. 3. Gonz. ad reg. 8. gl. 13. in principio. ad quos remittit Chok. ad reg. 1. cap. cell. num. 23.

10. Non excipiuntur beneficia illorum, qui originem seu domicilium, immo domum conductam habent apud Sedem, seu in Curia, nisi sint Curiales seu Cortefani, vel etiam prius fuisse Cortefani, & ibidem ratione Curia morarentur. Castrop. cit. n. 6. citans Simonet. de reserv. g. 30. n. 3. Garc. cit. c. 1. n. 83. Barb. ubi ante. n. 31. &c. sic enim expressè statuitur in c. præsenti. de præb. in 6. Cujus rationem hanc dat Gl. in cit. c. v. moraretur. ne alias non leve crearetur Curia Romana præjudicium, censante nimur concursu ad illam, dum confaret omnium ibi degentium beneficia, etiam alibi existentia, spectare ad provisionem folius Papæ.

Quæstio 535. Qualiter dictum c. licet. 1. de præb. in 6. editum à Clem. III. vel ut a. lii numerant, IV. extendatur per cap. præsenti. de præb. in 6. quod est Greg. X.

1. **R**espondeo: quemadmodum c. licet per c. præsenti. limitatur in hoc, quod vi illius excipiuntur, ut dictum, qui originem vel domicilium habent in loco ubi est Curia, ita extenditur, seu extendi se velle dicit statutum in c. licet, primò ad beneficia, etiam eorum, qui in locis Curia vicinis inter duas dietas decadunt Legati, aut Nunzi Apostolici, vel quivis alii (five Curiales sint, five non, ut Gl. b. c. v. alii) ad Romanam Curiam accedentes, vel ab ea recedentes, perinde ac si in loco, ubi Curia residet, morarentur; declaratq; expresse cit. c. præsenti. se per loca vicina intelligere distanti ad dietas legales.

2. Secundo extenditur ad Curiales, qui etiam Ecclesia Romana vacante peregrinationis, recreationis, aut alia quavis ex causa ad locum Curia vicinum secedentes, ibi decadunt, modò illi (eti ad Curiam erant reversi, adeoque animo cito rediundi recesserint) domicilium ibi seu domum propriam non habeant.

3. Tertio Curiales, qui dum Curiam de uno loco ad alterum transferri contigerit, eam sequentes, infirmitate forte impediti, in itinere, dum Curiam sequuntur, vel in loco, unde Curia recedit, cum eam infirmi sequi non possunt, remanentes, ibi moriuntur; ita ut eorum beneficia quantumcumque locus ille, ubi decadunt, à Curia sit remotus, apud Sedem seu Curiam vacare censentur, ita fere textus cit. c. præsenti.

Quæstio 536. An, & quare persone aliqua, eti decadent in locis ultra duas dietas, quin & longissime distitis à Sede seu Curia, dicantur tamen decadere in Curia, seu apud Sedem; adeoque eorum beneficia vacanta sint reservata dicta reservatione clausa in corpore juris, nimurum vi cit. c. licet?

Respondeo: dum plures personæ ita addicta sunt Curia Romana tanquam partes illius, ut præterea non licet eis ab ea sine speciali venia papæ recedere, quales sunt Cardinales, qui etiam veniam dicuntur constituere, quam sequi Curiam; tametsi dicantur eam sequi constituendo. Lott. cit. q. 27. n. 85. & 84. citans Höst. in c. Ecclesia. de elect. n. 1. Oldr. cons. 293. n. 2. inter quos Cardinales sunt cancellarii.

cecancellarius, Camerarius, Poenitentiarius. Item quales sunt Notarii Sedis Apostolicae, Anditor concenditarum, Correctores literarum, & Abbreviatores. Lott. n. 86. Item Capellani & ipsius Papæ Commensales, & quivis alii Officiales, de ipsa Curia Legati seu Nuncii Apostolici, seu ipsius Papæ. Lott. num. 87. hi inquam, quantuncunque à Curia recedant, abesse tamen non intelliguntur proper nexus, quo Curia obstricti sunt, exemplo servi, quieò, quòd addictus sit fundo, semper ibi esse intelligitur etiam si aliò negotio alicujus causâ secedat. *l. questum. ff. de LL. l. Seja. ff. de fund. instruct.* totum id operante juris fictione, quæ ideo veritati aquivalet. Lott. n. 86. & 88. Hinc itaque dictæ persona ubicunque moriantur, in Curia mori dicuntur, eorumque beneficia vacare in Curia, adeò que respectu eorum causari reservationem clausam in corpore juris, idque ex speciali dispositione *Extray. ex debito. de elect.* Lott. *ibid.* Unde etiam, si tales persona per amotionem ab officio soluta fuerint à dicto nexu, quo prius astringebantur Curia, cessabit ea fingenda ratio, & cum ea ipsa fictio, ac consequenter reservatio inducta vi cap. licet. Lott. n. 89. Atque ex hoc sive hac occasione (cum dictarum personarum sic obstrictarum Curia sint plurima) ortum, ut plures, quin & plerique Auditores dixerint, omnia reservata censeri vacare in Curia, & bona esse sequelam: beneficiū est reservatum, ergo vacat in Curia; cum tamen reservatio ista ob vacationem in Curia longè & in pluribus differat ab aliis reservationibus. Lott. n. 82. & 83. Porro dum, ut patet *cit. Extray. ex debito.* inducta sit ratione loci, & non persona (quod, ut ait Lott. num. 90. bene observandum respectu ejus partis, quæ innovata est per Extray. ad regimen, quæ & ipsa innovata per reg. 1. cancell. ed quòd quā parte non est expressè innovata, expiravit cum Joanne XXII. ejus conditore, ut Mandos. *ad reg. 1. cancell. q. i. n. 1.* Moneta de optione. c. 3. n. 40. Garc. p. 5. c. 1. n. 84. aliisque apud Lott.) indulustum concessionem conferendi reservata sese non extendat ad beneficia dictarum personaram, dicto nexus seu officio durante, morientium in locis a Curia remotissimis. Econtra vero extendat se indulsum istiusmodi generale ad beneficia talium personarum, etiam quæ obtinuerunt ante dimissionem officii, si ex morientur post dimissum officium in locis ultra duas dieas diffitis à Curia; licet enim reservata adhuc sint ista eorum beneficia per reg. 1. cancell. reservatio tamen hæc penitus diversa est ab illa clausa in corpore juris, nec censetur inducta ratione loci, sed persona, nimimum, quia ille fuit officialis; atque ita subsidiaria tantum, ut sunt omnes reservations diversæ ab illa clausa in corpore juris in cap. licet. Lott. à cit. n. 90. qualiter autem de cetero per dimissionem officii non cesset reservatio inducta per regulam Cancell. quando tale est officium, cui annexus Protonotariatus, vide Lott. à num 94. & qq. duabus seqq. per totum, ubi de Protonotariis, eorumque beneficiis reservatis.

Questio 537. Quinam in ordine ad dictum effectum reservationis dicantur Curiales, & qualiter ad declinandum hunc effectum censatur dimissa curialitas?

R Espondeo ad primum, illos dici Curiales, qui sunt Officiales Romanæ Curiae, quales sunt Notarii, Scribae, Procuratores, Advocati.

P. Leuren. Feri Benef. Tom. II.

Lott. l. 2. q. 32. n. 26. 37. 43. tales quoque sunt, qui Cardinalibus & Officialibus Curiae Romanae inferiunt, juxta Pirh. *de prob. n. 334.* & Barb. *juris Eccl. l. 3. c. 13. n. 24.* qui pro hoc citat Mand. *ad reg. 5. cancell. q. 1. n. 18.* quod tamen improbat & erroneum dicit Lott. *loc. cit. num. 40. & seq.* ed quòd istiusmodi simplices familiares Officialium non sint officiales, nisi secundum latam quandam, camque vulgarem acceptancem, quæ omnes, ut ait Lott, cohortales & coitesanos intelligimus, sitque curia principis quædam militia; alias autem nemo miles videtur possit, quanm qui in numeros sit receptus, etiam si de cetero publicis expensis exercitum sequatur.

2. Secundò: Curiales censendi sunt, qui occasione Curiae propter negotia propria vel aliena moriantur in Urbe. Pirh. & Barb. *l. cit. Lott. n. 38.* ex mente Rotæ decis. 616. p. 4. recent. n. 2. item in una Romanae beneficij S. Petri. 8. Aprilis 1622. unde eum, qui non occasione Curiae, sed alià moraretur Rōmæ, v. g. si esset originarius, vel exterus habens ibi domum, vel beneficium residentiam exigens, non erit reputandus Curialis. Lott. num. 39. *juxta decis. Rot. 116. n. 1. p. 4.*

3. Respondeo ad secundum: non sufficit ad dictum effectum, quòd quis aliquando fuerit Curialis, sed requiritur, ut talis fuerit continuò usque ad mortem, idque probetur. Lott. n. 44. Pirh. *loc. cit.* Barb. num. 26. citans Mandos. *ubi ante. q. 3. in fine.* additque is num. 27. præsumi Curialitatem continuam usque ad mortem, nisi mutata probetur. Idem ait Lott. num. 45. præsumi nempe actum secundi Curiani continuatum, donec probetur contrarium verbo vel facto, vel per cessationem cause accidentalis. Addit etiam Barbos. adversus illam presumptionem admitti leviorum probationem, etiam per alias presumptiones & conjecturas; Lott. tamen è contra tradit, probationem animi mutati de sequenda amplius Curia non constitui per testes affirmantes, se sapè à tali audivisse, quòd amplius sequi nollet Curiam; quamvis enim actus argumentis & conjecturis dignoscatur, & à priori quidem, quando declaratus fuit verbis prolatis, etiam extrajudicialiter (cum in his, quæ ab animo dependent, statut declarationi & assertioni cuiusq;) pro quo etiam sufficiunt testes singulares; à posteriori verò per factum subsecutum incompatibile cum primo proposito (cum qualitas factorum infinet qualitatem intellectus, ubi Bart. in *l. falsa. c. de furt.*) in hoc tamen casu exiguntur declaratio, quæ non possit postmodum tergiversari, sed quæ toti Curiae ac Principi, aut saltē illius Officialibus innotescit propter eorum præjudicium; unde nimimum talis deinceps non potiatur prærogativis & privilegiis Curiae, cum aliter protestatio hæc seu declaratio (nimimum non sequendi amplius Curiam) non possit habere vim resolutoriam illius reciproca obligationis, non accidente consensu alterius, saltē tacito præsumpto; ita ferè Lott. à num. 46.

Questio 538. In quo consistat specialis prærogativa & dignitas hujus reservationis?

R Espondeo esse sequentes ejus prærogativas. **1.** Prima: ut ei non refragetur regula de annali, ut sunt ipsa clara verba dictæ regula. Gomes. ad illam reg. 9. 31. Gonz. *ad reg. 8. gl. 13. n. 38.* Lott. *cit. q. 27. n. 44.*

T

2. Se-